

Ta'iala 5:

Saili se fesoasoani fa'aletulafono

E leai se tasi e tatau ona sauāina, fa'amata'uina pe lamaina i luga o faiga fa'atekonolosi. E taufa'afepe ma lē saogalemu, ma e lē LELEI. E iai lau aiā tatau e te saogalemu ai.

E mafai ona maua le fesoasoani fa'aletulafono pe afai ua fa'aaogāina faiga fa'atekonolosi e sauāina ai, puleaina ma fa'afepeina ai oe.

Saili se fesoasoani fa'aletulafono

Afai e fa'aaogāina e se tasi faiga fa'atekonolosi e sauāina, pulea ma fa'afepe ai oe, e iai tulafono e mafai ona fesoasoani e puipui ai oe.

Ona e eseese uma tulaga o mea e tutupu, e tāua ona maua fautuaga fa'aletulafono e fa'atatau i lo oe lava tulaga. O le Ta'iala e lē o se fautuaga fa'aletulafono, e mafai ona ofo atu na'o ni manatu lautele mo oe e manatunatu i ai.

Pe o se solitulafono sauāga e ala i faiga fa'atekonolosi?

O sauāga e ala i faiga fa'atekonolosi e aofia ai le lautele o amioga eseese, o le tele o solitulafono o lo'o i lalo o le tulafono a Ausetalia ma e mafai ona lipotia i leoleo.

E iai tulafono a Ausetalia e fa'atatau i le:

- Taulamalama
- Lafo imeli, text ma feau taufa'amata'u
- Tuuina i totonu o masini fa'aeletoni ia polokalama sipai (spyware)
- Fa'asoesā
- Taufa'aleaga
- Fa'asoa solo ata o amioga matagā

O fa'amatalaga i tulafono a Ausetalia i setete ma teritori ta'itasi e mafai ona maua (i le Igilisi) i le SmartSafe smartsafe.org.au/legal-guides.



Aoina fa'amaoniga

O le lamalama, fa'asoesā po'o le fa'amata'uina o se tagata o se solitulafono lea i totonu o setete ma teritori uma o Ausetalia. O le fa'amaumauina ma le teuina o fa'amaoniga o le sauāga o le a fesoasoani lea ina ia fa'amaonia ai na tupu le solitulafono. Afai e saogalemu ona fa'atino, ia aoina fa'amaoniga i se auala e sili ona aogā mo oe.

O le mea pito sili ona tāua o lou saogalemu, i la le tino ma ou fa'alagona.

O ni fa'amaoniga o sauāga e ala i faiga fa'atekonolosi e aofia ai:

- Screenshots
- Feau e sefe mai voicemail
- Imeli e lolomi ma mea uma e tu'u i luga o feso'ota'iga televavave
- Fa'amaumauga o mea na tutupu ua tusinga i totonu o se tusi po'o se api o fa'amaumauga.

Mo nisi fa'amatalaga e uiga i le aoina o ni fa'amaoniga e mafai ona maua (i le Igilisi) i le eSafety- Women esafety.gov.au/women/take-control/esafety-planning/collecting-evidence.

O fea e mafai ona e maua ai fautuaga fa'aletulafono?

O le a mafai ona fesoasoani atu se loia po'o se auaunaga fa'aletulafono i le fa'atalanoaina o ni filifiliga ma oe, e aofia ai pe fa'apefea ona talosaga mo se poloa'iga tau puipuiga. A mana'omia, e tatau fo'i ona latou talanoa i leoleo a o e iai ma oe.

O auaunaga fa'aletulafono mo tama'ita'i i totonu o Setete ma Teritori ta'itasi i Ausetalia, e latou te saunia mo tama'ita'i fautuaga fa'aletulafono e malupuipua ma aunoa ma se totogi i tama'ita'i. O nisi setete ma teritori e iai foi latou auaunaga fa'aletulafono e fa'apitoa mo tama'ita'i o lo'o feagai ma sauāga i aiga. Alu i le wlsa.org.au mo nisi fa'amatalaga.

E aumai e le 1800RESPECT (i le Iglisi) le lisi o auaunaga lagolago ma puna'oa fa'aletulafono i totonu o setete ma teritori ta'itasi 1800respect.org.au/help-and-support/violence-and-the-law.

Mauaina o se poloa'iga tau puipuiga

E te ono mana'omia se poloa'iga tau puipuiga pe afai o faiga fa'atekonolosi o lo'o fa'aaogāina e sauā, pulea ma fa'afefe ai oe. E mafai e oe, po'o le leoleo o avea ma ou sui, ona talosaga mo se poloa'iga tau puipuiga ina ia taofia ai le tagata o lo'o sauāina oe mai le faia o tulaga e pei o le: fa'alatalata atu ia te oe, fa'afeso'ota'i oe, pe mata'itūina po'o fea e te alu i ai ma mea o lo'o e faia.

Fa'afeso'ota'i le ofisa o leoleo ina ia fa'atalanoaina se poloa'iga mai sauāga po'o se poloa'iga tau puipuiga. E mafai fo'i ona fesoasoani se loia po'o se auaunaga fa'aletulafono ia te oe i le talosagaina mo se poloa'iga tau puipuiga pe a e mana'omia. O poloa'iga tau puipuiga ua iloa i igoa eseese i totonu o setete ma teritori o Ausetalia. O lau loia po'o le leoleo e tatau ona fautuaina le mea e sili ona lelei mo oe.

O le solitulafono le solia o le poloa'iga tau puipuiga. E fa'atulagaina loa sau poloa'iga tau puipuiga, e tatau ona vave fa'ailoa i leoleo pe afai ua e iloa ua solia e se tasi. Ia mautinoa lou fa'amaumuina o mea uma na tutupu e te iloa o ni solitulafono ona o nei fa'amaumauga e mafai ona avea o ni molimau.

Saili se fesoasoani

Manatua! O sauāga e ala i faiga fa'atekonolosi e lē LELEI ma e le'i mafua iā te oe. O lo'o maua le fesoasoani.

Afai e te lagona lou lē saogalemu, fa'afeso'ota'i vave leoleo ma auaunaga o fa'alavelave fa'afuase'i i le vili o **0 e Tolu (000)**.

Afai e lē mafai ona e tautala fa'a-Peretania, vili **0 e Tolu (000)** mai se telefoni fale ma fesili mo le 'Police', 'Fire', po'o le 'Ambulance'. E te feso'ota'i loa ona e fa'atali ai pea lea i luga o le laina ma o le a fa'atulagaina se fa'amatalaupū.

Afai e lē o se fa'alavelave fa'afuase'i, e tatau ona vili po'o lou alu sa'o i le ofisa o leoleo i le tou vaipanoa.

Mo nisi fesoasoani, feso'ota'i le **1800RESPECT** mai se telefoni po'o se masini o lo'o saogalemu i se taimi vave:

1800 737 732

1800respect.org.au

E ofo atu e le **1800RESPECT** mo le 24 itula, e leai se totogi, fuafuaga fa'alilolilo mo le saogalemu, faufautua ma lagolago mo ituaiga uma o sauāga, e aofia ai sauāga i aiga ma sauāga tau feusua'iga. E mafai fo'i ona latou feso'ota'i atu oe i isi auaunaga o lo'o iai i le tou vaipanoa. Alu i le 1800respect.org.au/languages/ mo nisi fa'amatalaga, fautuaga ma vitio i isi gagana.